

Nuorttanaste  
maksá ovtá  
kruvna jakko  
dagast, blad-  
de dinggu-  
juvvu juokke  
poasttarappe  
lutte.

# Nuorttanaste

Nuorttanaste  
olgušboatta  
guovte garde  
manost —  
dam 15ad ja  
dam 30ad  
bæive juokke  
manost.

## Bajasrakadus- ja čuvvgitusbladde samidi.

»Gæča mon boadam farga«

»Leket maidai digis garvvasak.«

No. 16.

30ad August 1904.

6ad jakkodak.

### Dak vilgges biktasak.

Okta Bonar sarnin.

Lasse oudeb nummari.

Dai audogassan dakkujuvvum sieloi birra cælkka čala maidai dam: **»Bæivaš i galga boalddet sin ige mikkege bakaid.«** Ædnagak sist lek læmaš bolddujuvvum bæivašest, ædnagak lek jabmema gavdnam dolla-ast, mutto dal lek buok bakčasak mædda mannam. Imanuel ædnamest i darbašuvvu bæivaš; dastgo Jesus ješ læ sin agalaš čuovgas. **»Gavpug i darbaš bæivaša daihe mano dasa baittet; dastgo Ibmel hærvasvuotta læ dam čuvvgim, ja labbes læ dam čuovgas.«** Alm. 21, 23.

Mon gieskad lokkim muttom ucca nieidaš birra, gutte viššalet læi mannam sodnabæivskuvlast ja læi dobbe ožžom gullat, atte Jesus læi jabman su suddoi diti. Son oskoi Jesus ala ja son rakisti su, ja go son muttom bæive buoccai ja galgai jabmet, de son vaimolažat illodi jabmema vuostai. Dat vuolasluoittadægje bæivaš suppi su suodnjarides su uccesængaša ala ja su čalmi ala, mak dal legje čuovgasek massemen. Son vel oki bajasgæčasti ja celki. **»Mon in goassege šat dam bæivača oažo oaidnet.«** Son celki duođa; dastgo oudal go bæivaš nubbe idet bagjani, læi son jabman; mutto son bæisai dam agalaš vauhurskesvuođa čuovggasi. Son læi okta dam odđa Jerusalem asin, gutte bæivača šat i darbašam. Audogas læ dat siello, gutte Jesus rafhai oadđa. Damditi berrep mi muittet, divras lokkek, atte i mikkige gillamušaid dam mailmest berre min erit doallat Jesusa occamest: dastgo

dam aige gillamuš i læk mikke dam hærvasvuođa ektoi, mi okti almustuvat galgga Ibmel manai oudi.

Dai audogassan dakkujuvvum sieloi birra cælkka čala, atte **labbes biebma sin ja doalvo sin ælle cæce-agjagi lusa.** Jesus, gutte rakisti sin ja basai sin buttesen suddost su varaines, son aitarda sin. Dat buorre baiman, gutte dabe ædnam alde valdi sin giettagavvasis ja addi hægas sin diti, son maidai almest sin aitarda. Dat sëmma baiman, gutte mæce čađa sin doalvoi ædnam alde, dal maidai sin odđa Jerusalem gatai čađa laide. **»Ruonas gididi son livo-da mu.«** Son guodota su celos lilliai gaskast. Allavl. 2, 16. Kristus ja ječæs rakisvuođa gietta biebma sin ja oapesta sin. Son manna sin oudda-bælde ja si čuvvuk su, ja alelassi lavluluk labba lavllaga Si jukke ællem čace dam jogast, mi læ šælggat dego krystal, **mi golgga Ibmel ja labba tronost olgus.** Alm. 22, 1.

Čala maidai cælkka dai audogasai birra, atte **Ibmel galgga erit sikkot buok gadnjaliid sin čalmin.** Dabe ædnam alde ferttijege si davja čierrot; mutto dal si æi šat goassege čiero. Si čirru sin suddoidæsek diti. Si čirru, go jabmen valdi sin rakkasid ja ustebid. Si čirru sieloi diti. Maidai damditi, go si nuft uccan satte Jesus nama gudnejattet. Mutto buok čierrom læ dal mædda mannam, buok moraš ja šuokkem læ dal maqabællai baccam. Ouddal legje lossis balvak davja sin gallo alde, mutto dal læ Ibmel erit agjam juokke mierka, juokke balva. Sin muođok gudde gadnjala mærkai; mutto Ibmel læ su giedaines erit sikkom sin gadnjaliid agalaš aiggai. Nuftgo ædne valdda su čierro manas sallasid ja ganjalravdnji

orostatta su cummaines, nuft dakka maidai Ibmel.

Don rakis Ibmel manna! Davja læk vissa donge čierrom du riegadam bæivad rajest. Manga dinga læk læmaš, mak du gadnjaliid læk goldatam Mutto go don læk okta Ibmel manna, de du gadnjalak farga galggek hæitet golggamest. Almest i gullu goassege mikkege čierromid. Ganjal i goassege sevdnjudatte ovtage engel čalme. Dobbe lavllujuvvu dušše ilolaš vaimoin; i mikkege luoibmamid gullu dobbe, Dak audogassan dakkujuvvum vuoinak maidnok ja ramedek Ibmela ja avvodek — si æi čiero goassege. Dak gadnjalak, mak sin jabmin sengi golgge legje dak buok maqemusak, mak sin nieraid laktadegje.

Rakis lokke, cælke: Igo læk dust hallo boattet dam vilggis joavko særvvai? Mutto varot ječad, amad dam baikai boattet, gost i gavdnu illo ige hærvasvuotta; dam baike namma læ, nuftgo don dieđak, helvet. Dak sielok, guđek dokko bottek læk dubmijuvvum. Dobbe i gullu ærago čierrom ja banigiččam. Hirbmos bakkas ferttijege dak gadnjalak læk, mak golgatuvvujek helvetest, Baččadak læk davja gadnjalak dabe ædnam alde, cælkemættom baččadak, mutto mi læ dat baččavuotta helvet gadnjali baččavuođa ektoi. Jos læ nuft atte dat min ædnam matta goččujuvvut gadnjali ja morašlækken, man sagga stuoreb vuogadvuođain, matta dalle gadotusa rika danen goččujuvvut, Dobbe gadnjalak ravdnjin golggek, mutto i læk oktage gietta, mi dai erit sikko. Gi be dam galgasi dakkat. Bærlagast i læk mikkege rakisvuođaid daihe lađesvuođaid; son dušše higjeda sin morrašid. Æige si oažžu

maidege jeddetusaid sin gillamuš-guiminäsek, ei olbmain äige nissonin, ei fal, juokkehažast læ æmbo go nokka su ječas givsest, su ječas gadnjalin; dastgo si buokak čirok ja luibmek dam audogasmættom agalašvuodast.

Lasetuvvu.

## Garrem-jukkamuš.

Okta biegotatte ašše  
Nuorttanastai sisasaddijuvvum.

Dast aigom mon dam blađe lokedi fuomašattet ovta sagga stuora ja gahadlaš aše, mi læ sagga biegotatte sikke min našonast ja oera našonai lutte, ja dat læ dat hirbmos ollo buollevine navdašæbme. Davja gulujuk surgadlaš sagak daina baiken, gost buollevine navdašuvvu. Ollo vaivašvuotta gavnudnu, masa buollevine læ sivalaš. Buollevine læ guođdam ædnak bærrašid vagjedvutti, læ čoaskodam bællelaš-rakisvuoda, læ goallo-dam ače vaimo barnes vuostai ja læ vuolasdæddam varnotemid morraši ja hoettai. Gulakgo jukkis olmuš, maggar læ dat du buorre jukkamuš, masa don nuft davja goikak, man mañnai agad bargak ja masa don davja du tinestusak manatak. Dat læ njuoradam (daida vel cuvkkimge) du lattoid. Dat læ dakkam dudnji davjes oaiivve-bakčas. Dat læ raššodam du gieđai ja labmen du čielge. Dærvuoda sagjai læ dat buktam buocalvasvuoda, rafhe sagjai rido, buore doavo sagjai gabbošes goaves dovdoi, friavuoda sagjai fanggavuoda, rakisvuoda sagjai vašalašvuoda, lieggos sarnodæme sagjai goaves moarre-sanid ja riggodaga sagjai vaivašvuoda.

Buollevine læ gudne halbes hadai vuovddam. Dat buorre namma læ aiga juo ædnagin mannam buollevine gæčel. Mi oažžop galle roakka dagjat, atte buollevine bærgalak læ rievedam buok. Buollevine læ davja dolvvom suolavutti, fuoravutti, doarromi ja vel sorbmemige. Go jukkes olmai galgga naittalet, de son buok oudemus rabeda ovta ankar buollevine, jos su duokken gavnudnu dam mađe rutta, ja de čoakkai-goččo son buok buollevine slavaid. Go dasto moarsse vižžujuvvu, ja go soai galgaba Hærra visoi, gost dat Ibmel asatus doaimatuvvu, de læ vuostas

barggo sodnabæiv-ided maistašet algget dam mirkkočacest. Ja davja oidnujuvu, atte ouddal go gerggek Hærra visoi mannat, læ irge juo gærggam vuokselet ja doarostet, dasto go girkkoi bottujuvu, oađestuvvek sikke irgge ja su jukkam skipparak, ja de fertte soames irge bajasbuktet, vai alttar ouddi boattet oažžo Ibmel buristsivdnadusa vuostaivalddet.

Dam muddost læk dalle sikke irgge ja su mieldečuovvok, atte illa čuožak bissok dam bodda go pappa oktičadnasta dam varnotes nieidda rievo dam gælbotes jukkai. Ja go dobbe de læk gærgadam, de doaimalažat gæček si jukkam baikkai, ja de æska algget maistašet, äige hæite ouddalگو buokak læk gæčadam. Dam lakai alggujuvu bærašellem; mutto jukkam davja i vel noga dasa, dat lave bistet ænaš jukki lutte gæčos age gidda dassači go dam roggai gæček, gost buollevine i gavnudnu, ja gost ei goassege bajas bæsa. **Muittet fal nuorra nieidak jukkes olbmust ballat dego helvet givsest!**

Mutto don sivo jukke, gutte dam biitta logak! Ale vigga bælošet ječad, go ik læk aido nuft gukkas joavddam. Ik læk don buoreb ik væhašge. Ja don gutte ik juga ješ, mutto doalak vine jukkedi stuora vuoto diti, don ik læk buoreb go jukke, ik eisege, ige du oasse donbæld havde šadda buoreb. Go buok jukkek nordastuvvujuk agalaš helveti, de don ferttek mielde čuovvot.

Mutto buok stuoremus ja fastemus bahadakko, maid vine dakka læ, atte dat nuft ollo hette Kristusa evan gelium vidanæme ædnam alde. Davja oaidnep mi nuorra olmuš rievod algemen osko dovdastet dam russinavllijuvvum Hærra Jesusa ala, mutto fast vuoitatallek buollevine-bærgalakki ja mailbmai; kristalašvuotta daggo bokte oažžo stuora vahaga, ja davja obba kristalašvuotta dubmejuvu boaston ja jorggot daggaraš lattoid diti ja vel værre oapponge. Mutto læigo son Jesus nasarealažast værre oappa, go okta suge opatus manain beti su Hærras ja bæstes ja sorbini vel dast mañnel ječas ja daina lagin helveti manai. Ædnagak minge aige jorralek; mutto jos si gatamuša dakkek, de læk si sæmma Ibmel ače manak go dak ærak, aido nuftgo Petrus, gutte maidai biettai

bæste, mutto go fast dagai gatamuša ja buoradusa, de læi sæmma go dak æra mattajægjek. Mutto ædnagak mannek Judas lakai gađotussi, damditi go si jorralæmesek mañnel ei nagad oskot ja buttestet oamedovdosek.

Dakket dal buoradusa buok jukkek jukkamest, ja buok suddo balvalægjek ja æppeosko fangak dakket allem buoradusa ja algget oskot!

Erinoamašet lifči must ollo sardnot duina, gutte legjek okti dovdastam osko, mutto læk fast buollevine vuovddam du divras oskod, don gutte adnek njalggasæbbun dam sielo ja rubmaš vahagatte mirko go dam Hærra Jesusa divras soavatus vara. Vuoi dadde dudnji, go don galggek Kanaan hærvas oednamest fast jorgalet Egypten šlavavutti. Moft mati dat læm? Læigo matke nuft vaivalaš? Velago don Israel Ibmela dovdak, vai cækkakgo don nuftgo Farao: »Mon im dovda su?«

Mutto vel dam blađestge gulak, nuftgo davja juo læk gullam: Hæite suddolaš allem, hæite erit buollevine navdašæme, hæitte erit oažalaš illoid ja alge fast ođđasist oskot. Ibmel alo læ gærgos du vigid ja fæilaid andagassi addet, ja almalaš ačče læ garves vajaldattet du boastodagoid ja bagjelduolbmamid jos duodalaš vaimoin dagak gattamuša ja algak oskot.

Vuoi rakis siello, bissan juo ja jorgid buoreb guvllon, ouddalگو mendo mañned šadda. Vuoi varnotes jukke, ale juo mana gidda-čalmid helveti. Gæča ja oaine, atte bærgalak læ vuodnemem du sielo, ja iloin son vuordda du jabmen-boddo daina doavoin, atte son du agalaš oabmenes oažžo. Mutto daga buoradusa ja alge oskot, vai sielovašalaš hæpad vuolai šadda ja Ibmel væka fast bæssa illodet. Jos don Ibmel manai ravvagid ik doattal, de šaddak okti dovdad, atte likkotæbme læk.

Čallujuvvum 14—8—04.

S.—

\* \* \* \* \*  
\* | **Gukken ja lakka.** | \*  
\* \* \* \* \*

**Hirbmos dukkuraddam.**

Guokta ganda Porsgrundast, 4 ja 6 jaga boarras, læiga muttom bæive dukkuraddamen vieso guorast, ja loa-

pai daina, atte dat 4 jakkasaš Oskar Hasselblad šaddai henggijuvvut ja jabmet.

Ašše læi namalassi daggar:

Oskar ja okta 6 jage boares gandda læiga maŋnel gaskabæive dukkuradamen »Hesta.« Oskar vissa galgai læt hæsta, damditi læi okta gæcēe bivtas-hængastam-baddest čadnujuvum su čævet birra, ja nubbe gæcēe fast læi čadnujuvum muttom spikari sæinest, vissa dam jurdagest, atte hæsta gidda čadnat. Oskar læi dalle čužžom muttom kasa alde. Moft læža dast mænnođam, dam æi dieđe, jos læža gæcēan dam kasa alde vuolas, mutto hænggat son šaddai, ja badde čavgai čoddag birra. Su skipparest i læm dam mađe arvadás, atte son dam ani varalažžan, dušše imášen ani dam ala gæcēat. Go olbmuk algge sust jærrat, gost Oskar læi, eelkki son: »Boattet gæcēat, man imašlaš son læ.« Mutto Oskar læi juo dalle jabman, ja galle mai gæcēalegje su heggi ožžudet, mutto i væketam.

## Soatte.

Nuftgo mi juo ouddal læp na matam, sidai Japan kæisar, atte Ruošša galgai vuollanet ja Port Arthura addet Japani oktan festegin. General Støssel læ komandantan Port Arthurest, ja son addi Japan kæisari dam vastadusa, atte son aiggo soattat maŋemus olbma ragjai. Port Arthur ala læ dam rajest baččujuvum ija ja bæive, mutto orro čajetæme sikke, atte ladne læ hirbmos nanos, ja atte Ruošak stuora saigasvuodain læk vuostaičužžom. General Støssel, gutte galgga læt okta vašotuvvum olmai, orro læme burist heivvolaš dam baikkai. Japanesalažai ouddanæbme orro dast læme uccan.

Nuftgo mi oaidnep læ ain Port Arthur Ruoša haldost.

Ollo læ dam maŋemus aiggai avisain čallujuvum dam 2 ruošalaš soatteskipa »Askold« ja »Grosvoi« birra, mak 10ad august mærraslaga maŋnel bodiga Shanghaii. Muittaluvvui dalle, atte dak guokta skipa valdujuvvuiga, mutto dat i læm nuft. Soai manaiga dokko ječasga divotet, ja go Kina vimak Japan diti fertti gaibbedet, atte dak guokta skipa galgaba havnast erit mannat, biettali

Ruošša dam. Dal læk guokte japanesalaš soatteskipa boattam dam sæmma havni, ja læ gaibadus atte dak guokte Ruoša skipa galgaba buok soatteværijoid erit bigjat. Æi dieđe vuollana go Ruošša dasa, vai alggeba go soattat dast rafhecednam hamanest

Ovta aige æi diettam Japanesalažak, gost dat ruošalaš krydser »Novik« læi. Mutto de aice dam borjastæme nuortast guvloi Vladivostok vuostai. Mutto olgobæld Korea maddagadde gavnatalai dat dam japanesalaš krydser »Tsjushimai« Dast šaddai soatte, ja go læi okta dimo mannam, læi »Novik« nuft sagga vahagattujuvum, atte i læm šat manenge. Okta ruošalaš skuotta dæivai nuft burist »Tsjushima« koallalanja, atte Japanesalažak ferttijegje hæittet oankas boddoi divvom varast. Mutto go Japanesalažak nubbe ited fast galgge falletet dam sæmma Ruoša skipa, læi dat juo gaddai bigjujuvum ja vællai siddo alde. Japanesalažak baččalegje dam dimo aige ja guđde dam.

Arvvaluvvu dal, atte Port Arthur havna vissa læ væjemættom ankorbaikken ruošalaš soatteskipaidi. Okta telegramma muittala, atte 4 daina stuoremus soatteskipain, mak læk Port Arthur havnast vællam, læk fastet illastuvvum japanesalaš kanonluodain. Dam 24ad bæive dam manost vulgi šlagaskipa »Sebastopol« Port Arthurest olgus, mutto olgusmanadines dæivai dat mina ala, ja daggo bokte dat vahagattujuvui nuft sagga, atte fertti fast festujuvut sisa.

## Præmieobligationslista,

gessujuvum <sup>1</sup>/<sub>7</sub> 1904.

Serie no. 214,	obl. no. 70	kr. 20,000,00
— „ 5849,	— „ 16	„ 10,000,00
— „ 6623,	— „ 51	„ 1,000,00
— „ 1714,	— „ 91	„ 500,00
— „ 1901,	— „ 95	„ 500,00
— „ 2702,	— „ 66	„ 500,00
— „ 3228,	— „ 16	„ 500,00
— „ 4556,	— „ 48	„ 500,00
— „ 4583,	— „ 58	„ 500,00
— „ 4929,	— „ 97	„ 500,00
— „ 6091,	— „ 7	„ 500,00
— „ 6377,	— „ 10	„ 500,00
— „ 7053,	— „ 38	„ 500,00
— „ 125	— „ 91	„ 100,00
— „ 2047	— „ 96	„ 100,00
— „ 381	— „ 59	„ 100,00

Serie no. 578	obl. no. 70	kr. 100,00
— „ 665	— „ 77	„ 100,00
— „ 1451	— „ 47	„ 100,00
— „ 1454	— „ 48	„ 100,00
— „ 1597	— „ 54	„ 100,00
— „ 1678	— „ 60	„ 100,00
— „ 1836	— „ 38	„ 100,00
— „ 2059	— „ 32	„ 100,00
— „ 2285	— „ 99	„ 100,00
— „ 2893	— „ 90	„ 100,00
— „ 2923	— „ 11	„ 100,00
— „ 2984	— „ 74	„ 100,00
— „ 3435	— „ 71	„ 100,00
— „ 3816	— „ 69	„ 100,00
— „ 4057	— „ 93	„ 100,00
— „ 4210	— „ 33	„ 100,00
— „ 4464	— „ 70	„ 100,00
— „ 4700	— „ 22	„ 100,00
— „ 4747	— „ 9	„ 100,00
— „ 4796	— „ 29	„ 100,00
— „ 5336	— „ 64	„ 100,00
— „ 5646	— „ 45	„ 100,00
— „ 5880	— „ 86	„ 100,00
— „ 6022	— „ 41	„ 100,00
— „ 6083	— „ 60	„ 100,00
— „ 6516	— „ 86	„ 100,00
— „ 7536	— „ 86	„ 100,00

Amortiserijuvvum daihe olgus gessujuvum čuovvovaš seria obligati-onak mai oudast maksojuvvu dušše kr. 10,00:

Serie 200	serie 1140	serie 1403
— 3767	— 5172	— 5192
— 6179	— 6190	— 6732
— 6951.		

„Folketstidende“ no 27 04.

Sisasaddi E. A. Polmak.

### Ruoša kæisar

barne namma læ Aleksis son gastašuvvui dam 25ad august. Kæisar læ olgusaddam ovta čallaga, man bokte son luvvuoda læ addam ollo bagjelduolbmedi, ja Suomarika soattevæga læ son bigjam Petersborga militærdistrikti.

### „Nuorttanaste“ doalledi.

Buorre lifi, jos di dal saddešæidek blađe mavso dam jakkodaga oudast, di, guđek epet vela læk maksam. Æi læk vela goalmad oassege »Nuorttanaste« doallin maksam dam jakkodaga oudast. Gal di ječa arvvedepet, atte jos same blađek galggek olgusboattet, de rutta dasa darbašuvvu. Babir maksa, barggo maksa ja fievrredæbme poastast maksa ruđa. Damditi don, gutte vela ik læk dam jakkodaga oudast maksam, mana juo dalla-

naga poastarappe lusa ja bija dam kruvuo mannat

#### Mannam jage

læk min ædnamest læmaš oktibuok 26 margarin fabrika. Daina læk oktibuok rakadam 19,425,700 kgr. vuoja. Margarinvuogja-adnu min ædnamest læi 18,600,000 kgr. Ja 800,000 dolvuvjuvu olgoædnami. Min ædnami sisabuktuvjuvu mannam jage dušše 17,000 kgr.

#### Vel æmbo soattebaikest.

Dak maņemus telegramak, mak min ragjai læk ollim ouddalgo dat nummar ollaset goergai, muittalek, atte hirbmos garra soatte læ læmaš Port Arthur birra. Goabašagak sikke Ruošša ja Japanesalaš muittalæva, atte soai læva vuoittam. Japanesalažain galggek læt 1200 kanona. 5000 olbma galggek læt gačeam ja sarjaduvvum.

#### Amerika dampa „Norga“

forlisa birra muittaluvvu, atte dat danskalaš selskape ja „Norga“ kapteina bottek rievte ouddi, dastgo arvvaluvvu, atte æi læk læmaš dam dampast buok dingak ordnegest.

### Bæddoluokka ja Storraide.

#### Lossaden šadda čiekčat

sæčagasa vuostai.

Muittali „Cammilla.“

Lasse oudeb nummari.

Æreb Torkela legje maidai dak ærak Bæddoluokast boattam dam buollembaikai, mutto go i sattam oktage maidege vekid dakkat, vulgge si fast sidi æreb Lina, gæn si gadde læm ouddal juo mannam, go si æi su oaidnam æige gavdnam gostege. Go si botte šalde ragjai, gulle si ovta rokkadalle ja vaide jiena, mi oroi boattenen muttom dimbarlanai vuolde jokkagaddest.

Torkel ja Olea dovdaiga dallanaga Lina jiena, ja soai manaiga dokko gœččat, maid son dobbe bargai. Soai njagaiga lagabuide ja lagabuide dimbarstabala vuollai, gosa soai čokkanæiga guldalet. Lina i læm okto, maidai Erke læi su mielde, mutto sodno gavdnadæbme dobbe i læm, nuftgo davalažat lave læt go nieidak ja barnek gavnadek. Soai æva læm mannam bælost bællai, dam jurdagest atte i oktage galggam sodno gavdnat

daihe oaidnet; dastgo dobbe læi maidai okta goalmad, gutte sikke oini ja gulai sodno, ja suina siðaiga soai gavnadet dast dimbarlana duokken. Dast læi hætte ja vække darbašuvvui, ja damditi læiga dat guokta mana dasa boattam særvvalagai rokkadallat.

Erke læi gullam, maid duot jallas vaivašlatto celki, ja son vigoi, atte juoga hirbmos bahadagoid læi su ačē dakkam arad aigest. Son vaimostes dov dai bakčasa vanhemies diti, gæi son hui sagga rakisti, vaiko galle davja oroi čajetæme, dego son lifēi sin bahamus vašalaš. Dam dilest čuožoi son ja čieroi, go sin dallo buli. Lina su lusa bođi. Lina alelassi læi vises jedđet ja rađe addet.

»Vuo i dadde du duona,« celki Lina Ereki, «manditi čierok don. Ibmel vela ælla.»

»Lina,« læi buok, maid Erke nagadi bakkodet, ja čierrom valdi su vela garrasæbbo.

»Muite, atte Ibmel nagadi čace erit bældost valddet, ja muite, gi dat læi, gutte du julgid buoredi. Erke, dust i læk ašše čierrot i eisege. Mutto gula don Erke: Basse čallagest čuožžo, atte galggek læt guovtes, guđek galggaba rokkadallat. Mon læm dam mangi lokkam ja imaštallam, manditi dast čuožžo, atte galggek guovtes læt; dastgo čuožžo čalluvvum aido nuft.«

»Maidikkenessi di rokkadallabetet ačest mu nammi, dam adda son digjidi.«

»Mi læ dat, manditi don čierok nuft, Erke? Lægo dat damditi, atte di lepet massam din stobodek? Alma dist læ dat ucca \*vistaš, man siste millogæčē asai; di oažžobetet dasa sirddet.«

»Gal don ješ arvedak, Lina, atte buok dat læ hirbmos; mutto buok bahamus orro ačē ja ædne dille. Mon jakam dat læ duotta, maid vaivaš olmai celki ačē birra. Ja nuftgo ačē ja ædne ælleba, manaba soai gađotussi.«

»Ibmel nagada sodno gagjot, Erke. Son nagada buok. Jos don datok de mon væketam du rokkadallat; dastgo dalle šadde moai guokten rokkadallat.«

»Jakakgo don atte Ibmel satta bæstet ačē ja ædne, Lina?«

»Son galle satta lika gæppaset dam dakkat, go son sati vuolas njæidet dam stuora gæđgesæine (muvra) ja millo, nuftgo don dieđak fertti son

dam dakkat oažžom diti čace erit bældost.

Boađe Erke, moai vulgge duon dimbarlana duokkai jokka gaddest, amas oktage oaidnet, go moai Ibmelin dam birra sarnodebme; boađe dal, Erke, dallanaga.

Soai manaiga dalle vuolas jokka gaddai, ige oktage dam fuobman. Dam lakai læiga soai soapam rokkadallat, ja dat i šaddam duššas, dam oažžop mi farga oaidnep.

Torkel ja Olea æva dattom sodno muošetuttet, mutto čokkaiga ja jaskadet guldalæiga.

Dast okto Ibmelin ouddanbijaiga soai særvvalagaid buok dam, mi sodno vaimo alde oroi ja dedi, ja læi vaimo likkatatte gullat, maggar ovtagærddanvuodain ja liegga rakisvuodain soai Olaus ja Anne ouddangudiga Ibmel armotruono ouddi. Soai æva rokkadallam nuftgo daggarak, guđek œi vuorde oažžot Ibmelest, æva fal, soai rokkadalaiga vissesvuodain dam birra, atte Ibmel sikke datoi ja nagadi. Vistesaje, borramuša ja biktasid soai maidai rokkadalaiga; mutto dai birra soai æva galle sane adnam.

Go soai læiga gærggam rokkadallamest, læi Lina arvod mielast, ja son celki: Dal, Erke, oažok don farga oaidnet, atte Ibmei ibmaša dakka din dalost, ja dalle boadnam monge millostoppoi. Bace dal dærvvan, Erke!»

Torkel ja Olea læiga erit vazzelam, ouddalgo Erke ja Linna ærranæiga, soai æva sittam fuomašuvvut. Ja dam sodno rokkadusboddo soai æva almotam oktige. Mutto šaddo gal oidnujuvuvi oanekaš aige dast maņnel, vaiko i aito nuftgo soai læiga jurdašam.

Dat ouddal bajasrakaduvvum millostoppo bođi dal buorren, ja vaiko dat i læmge nuft stuores ja čabbes go dat gardem, mi buli, de fertti-jegje si ilost læt damditi go si dammađe suite. Buok, æreb dai biktasi, maid si bagjelest gudde, manne dam buollemest, nuft atte si legje vuorradusast sikke biebmō dafhost ja æra dingain. Mutto nubbe bæive juo bukthe grannak væhaš mastge, nuft atte si hœde æi šaddam gillat, Erinoamašet bukthe Bæddoluokast obba ædnag. Lasetuvvu.

»Nuorttanaste« čalle, pretejægje ja olgusadde læ G. F. Lund, Sigertjord, Vesteraalen.